
20 ИЮЛЬ - “БУТУНЖАҲОН ШАХМАТ КУНИ” ФАРҒОНАДА ҲАМ ЎЗИГА ХОС ТАРЗДА НИШОНЛАНДИ

Бугун Фарғона шаҳридаги Аҳмад Фарғоний номидаги истироҳат боғида вилоят ҳокимлиги, вилоят Туризм ва спорт бош бошқармаси ҳамкорлигида 20 июль – “Бутунжаҳон шахмат куни” муносабати билан вилоят миқёсида “Шахмат фестивали” ўтказилди.

Фестивалда вилоятнинг 70 нафар шахматсевар ёшлари қатнашдилар. Тадбир давомида катталар бўйича Ўзбекистон миллий терма жамоаси бош мураббийи, халқаро гроссмейстер Саидали Юлдашев иштирокида маҳорат сабоқлари ҳам ташкил этилди.

Қизиқарли ва баҳс-мунозараларга бой ўтган мусобақалар якунида ғолиб ва совриндорлар ташкилотчиларнинг диплом ва қимматбаҳо эсдалик совғалари билан тақдирландилар.

Эслатиб ўтамиз, 20 июль-“Бутунжаҳон шахмат куни” сифатида 1966 йилдан буён нишонланиб келади. Халқаро шахмат федерацияси (ФИДЕ)га аъзо мамлакатларда ушбу кунда турли шахмат мусобақаларини ўтказиш ўзига хос анъанага айланган.

[Бизни ижтимоий тармоқларда кузатинг Facebook,](#)
2021-07-19 18:38:04